



SAKSFRAMLEGG

Utval	Møtedato	Utvallsak
Formannskapet	25.05.2023	54/23
Kommunestyret	01.06.2023	54/23

Rullering av samfunnsplanen - handsaming etter høyring

Vedlegg

- 1 Uttale til samfunnsplanen frå Vestfold og Telemark Fylkeskommune
- 2 Særutskrift etter handsaming i Formannskapet
- 3 Plandokument
- 4 Tal om Vinje 2021

Dokument i saka

[Gjeldande samfunnsplan](#)

Arbeid med planen

Samfunnsplanen er klar for rullering jf. planstrategien til kommunen.

Det vart lagt ned eit godt og grundig arbeid med brei medverknad i planarbeidet då samfunnsplanen vart vedteken i 2017. Denne rulleringa vil difor vere enkel i høve den førre prosessen – i hovudsak vert prosessen gjennomført for å inkludere FN's berekraftmål og ev. andre endringar (t.d. klimaplan) som vedkjem samfunnsdelen og som er gjennomført sidan vedtaket i 2017.

Ny, større rullering av planen bør skje innafor ein ikkje så alt for vid tidshorisont – dette på bakgrunn av store endringar/hendingar i samfunnet dei seinare åra.

Me har vore gjennom ein pandemi – dette vil bety noko for korleis me tenkjer beredskap framover. Pandemien har også fått fart på digitaliseringa i samfunnet og det vil kunne få innverknad på moglegheitane for busetting og arbeidsplassar i kommunen.

Så har det brote ut krig i Europa og med dette utfordringar med energi- og råvareforsyning – dette vil påverke nasjonen og vidare ut i kommunane.

Dokumentet «Tal om Vinje» er oppdatert med nyare tilgjengelege tal. Dokumenta har vore ute på høyring til dei ulike etatane i kommuneadministrasjonen. Det har kome innspel frå næringskontoret og helse/omsorg.

Saka har vore til handsaming i planutvalet og i formannskapet – innspel er lagt inn.

Saka vart lagt ut på høyring 29. november i fjor. Fylkeskommunen varsla tidleg at dei ville kome med innspel. Det kom innspel frå dei 10. mars i år. Innspel vert kommentert temavis.

Klima og energi:

- *Vi oppmodar til å setja konkrete mål for produksjon av fornybar energi i kommunen, gjerne med omsyn til forventa auka bruk av energi både i kommunen og på regionalt nivå. Energiproduksjon kan vera ei god inntektskjelde for kommunen, samtidig som tilgang på nok kraft er ei føresetnad for å nå nasjonale, regionale og kommunen sine eigne klimamål.*
- *Vi oppmodar også til å inkludere FNs berekraftsmål 17 – Samhandling for å nå måla, som eit prioritert mål i samfunnsplanen. Regjeringa forventar at dette målet bør liggja til grunn for samfunns- og arealplanlegginga i kommunane. Målet kan eksempelvis knytast opp mot Ditt og mitt Vestfold og Telemark. Eit kunnskapsbilete i utvikling som kunnskapsgrunnlag.*

Samferdsel:

- *Plassering av bustader er også avgjerande for trafikksikker skuleveg og rasjonell, kostnadssparande og miljøvennleg skuleskyss. I den forbindelse minner fylkeskommunen om at etablering av nye, spreidde busetnader bør skje innan 1 km frå næraste busshaldeplass eller knutepunkt*

Kulturarv

- *Vårt råd er at kommunen nyttar samfunnsdelen til å definere eigne mål om Vinjes kulturarv. Kommunen har starta opp arbeid med å utarbeide ny kulturmiljøplan og det å spele på lag med dette arbeidet og kople dei saman vil vere ein fordel. Slike mål kan deretter hentast igjen i kommuneplanens arealdel, og slik få kraft til gjennomføring.*
- *Kommunen kan ta inn eigne mål og strategiar knytt til kulturminne, kulturmiljø og landskap. Desse tema kan òg takast med når ein formar mål og strategiar for andre sektorar som reiseliv, folkehelse og oppvekst.*

Konklusjon

Dette er ei lita rullering – hovudføremålet var å ta inn dei mest relevante berekraftmåla til FN samt oppdatere planen i samsvar med andre nyleg vedtekne kommunale planar – t.d. klimaplanen.

Ny, større rullering av planen bør skje om ikkje så lenge – dette på bakgrunn av store endringar i samfunnet dei seinare åra. Det krev ein meir omfattande prosess enn det denne rulleringa legg opp til. Innspela frå fylkeskommunen vert difor ikkje teke med i arbeidet med planen i denne omgang.

Når planen skal takast opp att vil det bli høve til brei medverknad frå innbyggjarar, næringsliv, offentlege etatar og andre interesserte.

Endringar som er gjort i høve det opprinnelege plandokumentet er lagt inn med blå skrift i plandokumentet.

Rådmannens framlegg til vedtak

Planen vert vedteken slik den ligg føre.

Formannskapet si handsaming av sak 54/2023 i møtet den 25.05.2023

Røysting

Rådmannens framlegg blei samrøystes vedteke.

Vedtak

Planen vert vedteken slik den ligg føre.

Saksordførar: Kari Omdal Tveito

Kommunestyret si handsaming av sak 54/2023 i møtet den 01.06.2023

Røysting

Formannskapetets framlegg blei samrøystes vedteke.

Vedtak

Planen vert vedteken slik den ligg føre.

Saksframlegg er godkjent av rådmann, Jan Myrekrok 08.05.2023.